

Sakabanaketa amaitzeko plangintza zehatza eskatu diote Senideek Ibarretxeri

Gobernua osatzean presoaren arazoa konpondu gabe dagoela kontuan izateko diote

Presoen arazoak konpondu gabe jarraitzen duela gogoan izateko eskatu diote Senideek osatuko den laurlaritzaren berriari. Sakabanaketa amai dadin konpromisoa hartzeko eskatu diote Ibarretxe lehendakariari, eta Gobernua osatuko duten alderdiek presoak Euskal Herriratzeko plangintza zehatza aurkeztu dezatela.

Axun Erzibengoa / Donostia

EAE-N osatuko den Gobernu berriari aurrekoak baino amore gehiago izan dezala eskatu zion atzo Senideek taldeak, euskal preso eta errefuxiatuen senitatekoen elkarteak. Euskal presoaren sakabanaketa ez dela amaitu gogorarazi ostean, arazo hori konpontzeko konpromisoa eskatu zioten Juan Jose Ibarretxeri, EAJren lehendakariari. Jose Antonio Ardanza EAEko lehendakari izan den bitartean sakabanaketa sortu eta eutsi egin zaiola gogorarazi zuen Tomas Karrerak, Senideen koordinatzaile nagusiak. «Hainbeste urtetan, jipoiak, tratatu txarrak, osasun laguntzarik eza, senideen istripuak... hori guztia ontzat eman zuen EAEko aurreko Gobernuak, eta uste dugu orain badugula gure iritzia plazaratzeko eskubidea».

Jaurritaren jarrera sakabanaketari eustea izan dela azaldu ostean, gizarteak bestelako jarrera erakutsi duela azaldu zuen Karrerak. Ildo horretatik, Eusko Legebiltzarrak berak duela bi urte sakabanaketaren kontrako agiria onartu zuela adierazi zuen. Hala ere, presoaren arazoak bere horretan jarraitzen duela erantsi zuen; horregatik, Gobernu berriari amore handiagoa behar duela esan zuen Ibarretxeri. «Lehengoa ez baitzuen nahikoa amore erakutsi arazoa konpon-



Tomas Karrera eta Idoia Eskitxabel, Senideen ordezkariak, atzoko prentsaurrekoan.

ANDER GILLENEA

tzeko». Ildo horretatik, gizarteak sakabanaketaren kontrako jarrera azaldu arren hori ere ez dela arazoa konpontzeko nahikoa izan azaldu zuen.

«Gobernu berriak konpondu gabe hartuko du arazoa, eta Ibarretxek hori kontuan izan behar du. Deklarazioak ez dira nahikoa, plangintza zehatza egin behar du lehenbailehen sakabanaketa amaitzeko», azaldu zuen Karrerak. Senideek gai hori buruz mintatzeko Ibarretxeri elkarrizketa eskatu diotela adierazi zuten, eta oraindik ez dutela erantzunik jaso. Idoia Eskitxabel Gipuzkoako koordinatzaileak esan zuen Ibarretxek plangintza zehatza eskatu behar du liekeela Gobernua osatuko duten alderdiei gaia konpontzeko. «Hitzak amaitu dira, nekatuta gaude eta haserre, ez baitugu arazoa konpontzeko benetako jarrerarik ikusten. Baina ez gaude prest

beste legegintzaldi bat igarotzeko gai hau konpondu gabe dagoela», esan zuen Eskitxabelek.

Ministerioaren berriak

gezuratu dituzte • Egunotan presoaren inguruan kaleratu diren informazioei ere erantzun zieten Senideen ordezkariak. Euskal preso politikoen kolektiboak beti presoaren Euskal Herriratzearen alde egin duela adierazi zuen. Ildo horretatik, egunotan kaleratutakoak Barne Ministerioaren «politika zikinaren baitan» kokatu zituen Karrerak.

Zenbait komunikabidek asteotan eta, bereziki, egunotan kaleratu dute euskal presoaren euren kontu saiartzeko ari direla Euskal Herriratzeari lortzen. ETAK horrela ez egiteko agintzen ziela ere esaten zuten asteburuan *El País* egunkariak kaleratutako azken informazioek. Senideek gezuratu egin zituzten berri horiek.

Euskal Herriratzeari presoaren aldarrikapena dela gogorarazi zuten, are gehiago presoaren edo haren senitatekoek gaixotasunak tartean direnean. X

Donostiako
Udaleko presoaren batzordean EAJ eta EAJren «utzikeria» salatu du HBk

Batzordearen funtzionamendua «kaskarra» dela dio

Erredakzioa / Donostia

DONOSTIAKO Udaleko HBko zinegotzi taldeak presoaren inguruan osatutako batzordearen funtzionamendua «kaskarra» dela adierazi zuen atzo kaleratutako oharrean. Batzorde horretan HB, EAJ, EA, IU eta PSE-EEko ordezkariak hartzen dute parte, eta HBk EAJren eta EAJren jarrera salatu zuen, eta «lotsagarria» dela esan.

Batzordea biltzeko beti arazoak daude, HBko zinegotzi taldearen hitzetan. EAJko eta EAJko ordezkarien hutsegiteen ondorioz, bilerak behin baino gehiagotan bertan behera geratu direla azaldu zuten. «Donostiako presoaren egoera axola bazaie, ordezkariak bila ditzatela beraiek joan ezin direnean», azaldu zuten, eta horrela ez bada argi esateko eskatu zieten. Batzordeko arduradun eta bozeramaileei, Ernesto Gasco (PSE-EE) eta Iñaki Barriolari (EA), seriotsuna eskatu zieten. X

Joxean Inziarte oiartzuarra eta Izaskun Labeaga sopelarra aske utzi dituzte

Bata zigorraren hiru laurdenak beteta askatu dute, eta bestea behin-behinekoz

Erredakzioa / Donostia

JOXEAN INZIARTE Oiartzungo (Gipuzkoa) preso eta Izaskun Labeaga Sopelarra (Bizkaia) aske geratu dira joan den asteburuan. Inziarte Gallardok beteak zituen zigorraren hiru laurdenak, eta Labeagari, berriz, behin-behineko askatasuna eman diote.

Joxean Inziarte Martuteneko kartzelan zegoen joan den ekainaz geroztik, zigorraren hiru laurdenak lehendik beteak izan arren epaileak berriz kartzelaratzeke agindua eman baitzuen. Inziarte 1987an kanporatu zuen Frantziako Poliziak Espainiara.

Amnistiaren Aldeko Batzordeek jakinarazi zuten, hainbat egun inkomunikatuta egin zituen, eta ondoren ospitaleratu egin behar izan zuten astebetez, jasandako torturen ondorioz. Ondoren aske geratu zen.

1992ko maiatzean Guardia Zibilak Oiartzunen atxilotu zuen, bere etxean. Orduan ere bost egun egin zituen inkomunikatuta, eta ondoren torturak eta tratatu txarrak salatu zituen. Epaileak espetxeratzeko agindua eman zuen, eta, besteak beste, Alcalá, Daroca eta Sevillako kartzelatan izan zen. Epaitu eta sei urteko kartzela zigorra jarri zioten, eta

epaia errekurritu zuenez, aske geratu zen 1995eko maiatzean. Auzitegi Gorenak aurtan berretsi du Entzutegiak jarritako zigorra. Azkenik, larunbatean irten zen Martuteneko kartzelatik.

Izaskun Labeagari, berriz, behin-behineko askatasuna eman zioten ostiralean. Labeaga joan den irailean atxilotu zuen Espainiako Poliziak. Poliziaren eskuetan egondako hiru egunetan buruan eta aurpegian kolpeak eman zizkiotela salatu zuen Labeagak. Hala ere, Juan del Olmo epaileak Soto del Realen espetxeratzeko agindua eman zuen, eta ostiralean atera zen handik. X

V I S E S A

LEHIAKETA PUBLIKOA

Babes ofizialeko 257 etxebizitza, trastelekuak, garajeak, lokalak eta hirigintza osagarriaren lanak burutzeko Bilboko udalerriko Mina del Morro Sektorearen II. Poligonoko 2 eta 3 lurzatietan (Bizkaia)

Kontrata-urrekontua
2.428.211.943 pta. (BEZarik gabe)

Burutzeko epea
24 hilabete

Eskatzen den sailkapena
C Taldea, 2 Azpitaldea, F Maila

Burutzapen Proiektuaren eta Klausula Pleguaren azterketa
1998ko azaroaren 4tik aurrera

Burutzapen Proiektuaren eta Klausula Pleguaren kopiak honakoetan lortu ahal izango dira:
ARCO Fotokopiadenda. San Antonio kalea, 16 zk. 01005 Vitoria-Gasteiz. Tel. 945 23 28 13.
CIANOPLAN Fotokopiadenda: Rekakoetxe kalea, 8 zk., 48010 Bilbao. Tel. 94 443 65 91.

ASKAR Fotokopiadenda: Bizkaia Pasealekua, 17 zk., behe, 20010 Donostia-San Sebastián. Tel. 943 45 47 26.

Aipatu dokumentazioa VISESAn ikusi ahal izango da
Gasteiz Hiribidea, 43 behe. 01008 Vitoria-Gasteiz.

Proposamenen aurkezpena
VISESaren egoitza sozialean. Gasteiz Hiribidea, 43 behe. 01008 Vitoria-Gasteiz. 1998ko abenduaren 3ko eguerdiko 12ak arte.

Eskaintzak jendaurrean irekitzea
VISESaren egoitzan. 1998ko abenduaren 3ko 12etan.

Iragarki honen zenbatekoa esleipendunak ordaindu beharko du.



Herri-Biltzaia
Sociedad Pública del



LURRALDE ANTOLAMENDU,
ETxebizitza eta Ingurugiro Saila
DEPARTAMENTO DE ORDENACIÓN DE TERRITORIO,
VIVIENDA Y MEDIO AMBIENTE